el nome dil dito novo Signor turcho, fazando festa per tre zorni; ma ad altro fin che de honorar e ralegrarsi del dito Signor turcho, come ne la Zobia sequente se intese che il signor Gazelli haveva havuto il castelo di Damasco parte a pati et parte per forza per spazio di 4 hore, quelli che forno renitenti sono stà tagliati, et li altri tolti al suo soldo con buon par-317 tido, e il castelan veramente, visto che non potea fugir da le mani del Gazeli, scanò la mujer e dui figlioli che l' haveva, e lui se butò zò de una alta tore del dicto castelo et precipitò, amazose. Tutti li altri turchi erano in Damasco fono tagliati a pezi, et el Gazeli fo salutado per Soldan. El Venere poi da matina, circha due hore de zorno, li turchi erano in Tripoli con grande ansiosità et solicitudine si misseno a portar robe a le marine per cargarle sora 13 navilii turcheschi et una fusta di corsari soi che erano lì, dicendo che 'l se apropinguava le gente del Gazelli, qual veniva ai danni di loro turchi, per esser fatto Soldan esso Gazelli; et el signor de Tripoli turco vene da poi loro con 800 cavalli, el qual li conduceva le sue donne e la sua famiglia con il suo haver, et volevasi imbarchar sopra le dite nostre galle, non senza gran fastidio de li nostri Soracomiti, che havevano denegato al dicto Signor haver il tributo, perchè lui lo richiedete con grande instantia, dicendo saper di certo che li l' havevano, dal Contarini più vechio mercante nostro. Stimulati da sier Alvise de Adamo, erano solecitati a darlo fuori. Dubitavano ancora, levandoli, far dispiacer al Gazeli, et non levandoli, offender el novo Signor turco. Tamen, Dio ajutò che li spachi, vedendo che 'l suo Signor era per andarsene et che loro dovevano remaner, comenzono a exclamar che non volevano el partise da loro, nè che 'I mandasse via le done, nè la roba sua, ma che tutti dovesseno star ad uno periculo di bene et male. Et mentre che loro contendevano, sier Alvise de Adamo, qual era venuto a marina con loro turchi, imbarcò in galìa la sua fameglia et facultà per la summa di 20 milia ducati, dicendo haver lassato ancora in la terra per 5 milia ducati, temendo el Gazeli perché lui favoriva le cose turchesche, come feva sier Andrea Morexini, non senza gran danno di la nation veneta, come se divulga. Hor se imbarcarono ancora 4 richissimi christiani con il loro haver. Tandem el signor se parti et ritornò 318 ne la terra, poi, circha l'hora de vesporo, se parti pur con la fameglia et roba et dicti 800 cavali andando a marina a marina, publicando voler andar in Aleppo per unirse con le zente turchesche che se atrovano de lì, et si crede l'imbarcherà la brigata et haver sopra li 13 navilii, quali partirono immediate, et loro più expediti se ne andorono per terra e forsi più unitamente con dicti navilii per salvarsi. Hor la cità di Tripoli rimase abandonata dal ditto signor, el qual ha lassato uno castelan nel castelo con 160 persone fornite di victuarie e munition assa' bene, e ha comesso al dicto castelan, se in termine di zorni 10 da poi che li haverà dato notitia dil suo zonzer in Aleppo el non tornerà con socorso, el debba far quello li paresse. Altro non se intese fino il Marti sequente. Ma alcuni ladri si preparò di andar a la roba di chi mancho poteva, vedendo in la città non era governo, tamen non arditeno moversi dubitando di le nostre galie; il che fo di salute a nostri mercadanti, et con grande reputazione di la nation veneta, la qual tamen cargò roba assai sopra le dite galie, et sopra una nave zenoese che si atrovò de lì. Tra la qual e le nostre galie seguite quasi un grande inconveniente: el par il patron di la nave era andato a confabular sopra le galie, e bufonizando, il Falier soracomito, avanti si partisseno li navilii turcheschi, disse al patron : « Se te trovassi solo con qualche uno de dicti navilii, non lo beccaresti suso volentieri, » et quello rispose: « ma di no, Dio me guardi » e si adirò molto, dicendo zenoesi per oro del mondo non manchano di fede, et montò in la sua barcha improperando il parlar li fo facto, nè valse el Trevisan di aquietarlo, che 'l se parti chiamando venetiani traditori, exclamando al più che 'l poteva, e quelli di le galie li discargò adosso alquanti schioppi e non fu azonto perchè 'l fu presto a vogar, e fu discargato uno passa volante, qual li andò sopra la testa. E non seguite altro, e le galie che erano fuor dil zonzer di le artelarie di la nave se levono per schivar scandolo, e fosseno stati vicini, si haveriano trato; ma nostri volseno haver rispeto si a le merchantie di mercanti venitiani cargate su dita nave per Venetia, come a molti altri mali che potevano occorer; sichè steteno a largo, astrecti da nostri merchanti a dimorar in quel loco 318* per loro sicurità. Se disse, che nel dicto zorno di Marti, come il Gazeli haveva fato signor a Saito e in la Piana el fiol che fu di Beneanes, et a Baruti Mirgegi capo de drusi, el qual conquistò per forza la torre dil dicto loco da le man di turchi, et mandò al signor Gazelli 25 milia ducati di quelle monede, che era li danari di dacii. Si ha etiam, che Chairbech signor dil Cairo mandava 150 milia ducati a Damasco, sono stà retenuti per el ditto signor Gazeli, e dicono el dito Gazeli haver posto signor in Aman Campsom Caira, e in Otupso Aslam nepote